

Daim Ntawv Qhia Qhov Tseeb Txog Kev Tsis Muaj Thaj Biotinidase Txaus rau Niam thiab Txiv

Txhua tus me nyuam mos yug tshiab nyob rau North Carolina yuav raug kuaj ntsuas qee cov yam ntxwv muaj mob rau thaum yug los es thiaj li yuav raug kho tau kom pov thaiv txhob ua rau muaj mob loj. Qhov no hu ua qhov kev kuaj me nyuam yug tshiab. Qhov ua tau los ntawm kev ntsuas xyuas tus me nyuam mos yug tshiab tau qhia pom tias koj tus me nyuam mos yuav muaj Qhov Muaj Thaj Biotinidase Tsis Txaus (bye-o-tin-uh-dase). Koj tus me nyuam yuav raug xa mus rau tus kws kho mob paub tshwj xeeb kom tau kev kuaj ntsuas ntxiv kom paub tseeb.

Tej zaum yuav tsis muaj cov cim ntawm Kev Muaj Thaj Biotinidase Tsis Txaus hauv qee cov me nyuam yug tshiab, txawm li cas los nws yuav pom muaj rau tom qab tau.

Kev Muaj Thaj Biotinidase Tsis Txaus yog dab tsi?

Kev muaj thaj biotinidase tsis txaus yog tus mob txawv txav uas tau los ntawm niam thiab txiv uas tsis tshua pom muaj uas cuam tshuam rau koj tus me nyuam lub peev xwm yuav ua kom qee yam zaub mov yaj los mus tsim tau lub zog. Ib tug me nyuam uas muaj thaj biotinidase tsis txaus yuav siv tsis tau qhov tshuaj qab los biotin kom tau zoo, uas yog qhov tseem ceeb rau ntau hom enzyme uas tsim muaj lub zog hauv lub cev.

Kev kho mob thaum tseem ntxov yuav tiv thaiv tau cov tsos mob ntawm kev muaj thaj biotinidase tsis txaus no tau.

Cov tsos mob ntawm Qhov Muaj Thaj Biotinidase Tsis Txaus yog dab tsi?

Cov neeg uas muaj thaj biotinidase tsis txaus yuav muaj ntau yam tsos mob, los sis cov cim ntawm tus kab mob. Cov me nyuam mos yug tshiab uas muaj thaj biotinidase tsis txaus feem ntau yuav tsis muaj cov tsos mob rau thaum yug. Feem ntau cov tsos mob yuav tshwm muaj tom qab thawj ob peb lub lim tiam los sis ob peb hlis thaum yug los. Cov tsos mob ntawm cov neeg uas tsis tau kev kho kom zoo yuav muaj:

- Tsis muaj zog (zoo li qaug zog)
- Noj zaub mov tau tsis zoo
- Tej nqaij muag luav mus lawm xwb (tej leeg nqaij tsis muaj zog)

Cov me nyuam yaus uas muaj thaj biotinidase tsis txaus uas tsis tau kev kho kom zoo yuav muaj cov tsos mob ntxiv li hauv qab no:

- Mob qaug dab peg
- Plaub hau hle (mob plaub hau hle)
- Tawv nqaij tawm pob
- Ua pa nrawm (ua pa nrawm dhaw)
- Tsos mob uas nres ua pa ib nyuag pliaj (tsos mob tsis ua pa thaum pw tsaug zog)

Yuav tshwm sim dab tsi txuas mus ntxiv tom ntej?

Ua ntej tshaj plaws, koj tus me nyuam tus kws kho mob yuav kuaj koj tus me nyuam mos txog cov tsos mob. Txuas mus ntxiv, kws kho mob yuav txib kom ua kev kuaj ntsuas ntxiv los txiav txim siab seb koj tus me nyuam mos puas muaj thaj biotinidase tsis txaus li cas. Tej zaum koj tus kws kho mob yuav pom zoo kom koj muab cov tshuaj biotin rau koj tus me nyuam noj rau thaum uas tseem tos cov tshwm sim tawm los ntawm qhov kev kuaj no.

Yog tias yeej paub meej tias koj tus me nyuam mos muaj thaj biotinidase tsis txaus, koj tsev neeg yuav raug xa mus rau tus kws kho mob paub tshwj xeeb los pab nrog koj tus me nyuam qhov kev saib xyuas kho mob. Tus kws kho mob paub tshwj xeeb yuav piav qhia txog koj tus me nyuam cov kev xaiv ua kev kho mob.

Qhov Muaj Thaj Biotinidase Tsis Txaus yuav kho tau li cas?

Cov me nyuam yaus uas muaj thaj biotinidase tsis txaus yuav tsum tau noj cov tshuaj ntxiv zog biotin txhua hnub mus tag lawv lub neej li. Lub hom phiaj ntawm qhov kev kho mob no yog los muab thaj biotin kom txaus los txhim kho kev ua hauj lwm ntawm enzyme kom zoo li qub.

Kuv yuav mus nrhiav ntaub ntawv qhia paub ntxiv tau qhov twg?

Siv koj lub xov tooj smart phone lub koob yees duab los xab kees cov khauj QR hauv qab no.



Tus Me Nyuam Mos Qhov Kev Kuaj Ntsuas Thawj
Zaug: <https://www.babysfirsttest.org/newborn-screening/conditions/biotinidase-deficiency>



Vib dis aus: <https://www.youtube.com/watch?v=cIRS9vJWEpA>



Medline Plus: <https://medlineplus.gov/download/genetics/condition/biotinidase-deficiency.pdf>



NC DEPARTMENT OF HEALTH AND HUMAN SERVICES
Division of Child and Family Well-Being

Xeev North Carolina Chav Hauj Lwm Ntsig Txog Cov Kev Pab Cuam Kev Noj Qab Haus Huv thiab Tib Neeg
www.ncdhhs.gov
<https://slph.dph.ncdhhs.gov/>

NCDHHS yog ib tug tswv hauj lwm thiab lub chaw muab kev pab cuam uas muaj vaj huam sib luag.

Daim ntawv qhia qhov tseeb no raug txhawb nqa los ntawm Cov Chaw Tswj thiab Pov Thaiv Kab Mob ntawm Tebchaws Meskas Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv thiab Tib Neeg (Department of Health and Human Services, HHS) raws li ib feem ntawm qhov khoom plig kev pab txhawb fab nyiaj txiag xam tag nrho \$423,900 nrog kev tau txais peev nyiaj pab 100 feem pua los ntawm CDC/HHS. Cov ntsiab lus no yog tus(cov) kws sau ntawv li thiab tsis tas yuav muaj feem sawv cev los tshab xyuas raws kev raws cai, thiab tsis tas muaj kev pom zoo, los ntawm CDC/HHS, los sis Nom Tswv Hauv Teb Chaws Mes Kas.